

# FJÖLGUN Í FASTARÁÐUM

TILLAGA TIL SKÁTAPINGS 2022



Ný grein um kosningu ungmennaráðs var samþykkt á Skátapingi 2021, við samþykkt hennar yfirsást að skilgreina aðkomu uppstillingarnefndar að kjöri í ungmennaráð og því ákveðið að ungmennaráð tæki á móti framboðum. Fyrir Ungmennapíng barst eingöngu eitt framboð en hin tvö bárust á þinginu sjálfu. Það óheppilega var þó að allir einstaklingar sem buðu sig fram voru af sama kyni. Ungmennaráð hefur leitað til stjórnar BÍS um hvernig sé nú hægt að leiðrétta kynjahallan.

Uppstillinganefnd taldi að í lögum BÍS væru eingöngu skilgreindur lágmarksfjöldi þegar kæmi að kjöri í fastaráð BÍS og því buðu fleiri en 3 aðilar fram bæði í Útílífráði og Skátaskólanum. Hið rétta er að [samkvæmt 26. grein laga BÍS](#) hefði stjórn þurft að auglýsa með fundarboði ef fleiri en 3 ættu að vera í kjöri í ákveðnu fastaráði.

Það eru hins vegar gleðitíðindi að fleiri aðilar hafi gefið kost á sér í þessi ráð og verkefni ráðanna eru ærin. Það væri mikill missir að geta ekki nýtt þetta góða fólk í þessum ráðum. Enn hefur ekki skapast nægileg reynsla með kosningar í nýju fyrirkomulagi til að stjórn hafi sérstaklega tekið afstöðu til þess hvort þau vildu fá fleiri fulltrúa í ákveðin fastaráð eða halda sig við lágmarksfjölda. En sennilega má ætla að sæti í fastaráð verði auglýst á einhverju bili í næstu kosningum með skýrum neðri og efri mörkum til að læra af þessu.

Því leggur stjórn BÍS til við Skátapíng 2022 að samþykkja kjör tveggja fulltrúa til viðbótar í ungmennaráð til að ná yfirlýstum markmiðum í lögum BÍS um jafnræði kynja í ráðum BÍS. Ásamt því að samþykkja kjör eins fulltrúa til viðbótar bæði í útílífráði og Skátaskólanum til að skátahreyfingin öll geti notið aukinna krafta við þau mikilvægu mál sem þau fastaráð munu sinna næstu misserin.

